



Početak suđenja Srpku Pustivuku, optuženom za zločin protiv civilnog stanovništva počinjen na području Ilijaša, odložen je za 15. mart 2011. godine. Enida Hadžiomerović, predsjedavajuća Sudskog vijeća, kazala je da se suđenje mora odgoditi zbog tehničkih razloga.

Srpko Pustivuk se tereti da je, kao pripadnik Stanice javne bezbjednosti Ilijaš, tokom maja i juna 1992. godine u selu Gornja Bioča, općina Ilijaš, s drugim pripadnicima vojske i policije Srpske Republike BiH, učestvovao u napadu na civile, među kojima je bilo i djece. U optužnici stoji da je Pustivuk tom prilikom, s ostalim vojnicima, pucao iz pješadijskog naoružanja, te usmratio jednog civila i teško ranio tri. Državno tužilaštvo tereti Pustivuka i da je, kao milicioner-specijalista u SJB-u Ilijaš, učestvovao u hapšenju i zarobljavanju civila Bošnjaka, koji su potom odvođeni u druge logore i objekte za zatočenje.

Suđenje Srpku Pustivuku prekinuto je 10. novembra prošle godine zbog bolesti jednog od članova Sudskog vijeća, koji je nakon tromjesečne pauze zamijenjen. Zbog izmjene sastava Vijeća, suđenje će krenuti ispočetka, te će iskazi dosadašnjih svjedoka biti ponovo preslušani.

**Preuzeto sa www.ilijas.ba*